

EL SI'

1) Do basi 'chi trova
parola più bela,
più dolçe de quela
che 'mi m'à imparà
da piccolo el santolo,
la nona, mia mare,
la Gigia comare
e 'l barba soldà!

RIT: Scoltème 'mi!
'Scoltème 'mi!
no val le ciacole,
ghe vol el si.
Ocio, fradei!
za me capì!
no se ga schei:
ma ghe xe 'l si.

2) So ciucia in t'el late
sto si, cò se nasse,
col si in te le fasse
se ga scomenzià
col si se se cresima,
col si se va a scola,
col si la parola
de onor se se dà!

RIT: Scoltème 'mi!
'Scoltème 'mi!
no val le ciacole,
ghe vol el si.
Semo fradei!...
za me capì!
restemo quei:
gente del si.

3) Se 'l si in te le cale
se leze stampado,
sto si l'à trovado
sul vecio abeço;
se i frati e le muneghe
lo parla in convento,
dal mile e dosento
vol dir che 'l ghe xe

RIT: Scoltème 'mi!
'Scoltème 'mi!
no val le ciacole,
ghe vol el si.
Ocio, fradei!
za me capì!
restemo quei:
gente del si.

4)I nostri fioi!
za me capì!
pasta e fasoi:
ma sempre el si.
No bassilè!
'scolteme 'mi!
fin che 'el ghe xe:
tegnimo 'l si.

RIT: Scoltème 'mi!
'Scoltème 'mi!
no val le ciacole,
ghe vol el si.
Scoltème 'mi!
'Scoltème 'mi!
no val le ciacole,
ghe vol el si.

5)Col si se marida
le done coi omini,
col si i galantomini
discore in cità
el cor de sto popolo
del si xe geloso!
le mura va zoso:
ma 'l si resterà!

RIT: Scoltème 'mi!
'Scoltème 'mi!
no val le ciacole,
ghe vol el si.
Semo spiantai!
ma grama ti!
se nasse guai:
ga colpa 'l si